

۱۵ جمادی الاخره ۱۳۳۱

پنجشنبه

۹ مایس ۱۳۲۹

نومرو ۲۳ — ۲۴

نسخه سی ۲۰ پاره در



امور اداره و تحریر و اعلانات و سائرہ ایچون مدیر
مسئولہ مراجعت ایدالمبدر .

ابونہ سی بر سنہک اعتباریلہ ممالک عثمانیہ ایچون
اون بش و ممالک اجنبیہ ایچون ۲۰ غروشد .

مرقای امنک مقالات متصوفانہ لرینہ جریدہ
صوفیہ نک صحیفہ لری آجبقدر .

محل اداره باب عالی جوارنده ابوالسعود جاده سندہ
نجم استقبال مطبعہ سی

شمذیلک اون بش کونده بر نشر اولنور

تصوفی ، دینی ، اخلاقی ، سیاسی جریدہ اسلامیہ در

مقصودم نفسه دکل ، دینه خدمت ابدی ، عزت نفسمه طوقونان
بر مسئله دن دولای سنی قتل ایدیدم ، او زمان یاپدیم جهاد دکل
بلکه عندالهمیده شو حرکتیدن ناشی بر جنایت ایشله مش
قدر مؤاخذه اولنه جفمی تحظر ابتدیکدن بوکا محل قالمق
اوزره سنی قتل ایتمکدن فارغ اولدم . [مابعدی وار]

محمد حلمی

کلیات ابن الرحمنی دن :

ادبی باغچیلر :

« امتحان »

امتحان — محبتی جالب بر مختدر .
امتحان — استعداد میزان ، استحقاقه نجر بهدر .
امتحان — اهلی نا اهلدن ، حق نا حقدن ، صدق کذبدن تمیز
وتفریق ایدر .
امتحان — طلابه اندیشه ، محبانه سند محبت ، کوچو کدن بیوکه
حیله ، بیو کدن کوچو که عاطفت ، افراندن افرانه جمیله در .
امتحان — عبدک سیده تضرعی ، سیدک عبده الطافیدر .
امتحان — خالقک محبوبنه جلوه سی ، عابدک معبودینه نیازیدر .
امتحان — ترقی فکره مبنا ، اعتماد نفسه متکاد .
امتحان — ایکی یار صادق بیننده بالآخره بر آغوش مخاندن آچار .
امتحان — یا ماضی محرومدن استقبال مغروره بر باب اقبال
کشاد ایدر . ویا زنجین بر حالدن مهجور بر عاقبت
صراط ادبار اولور .
امتحان — آفاق اعتلا به بر نجم تابدار ، آسمان رفعت بر بدر بدیدارد .
امتحان — رقیلره ساحه مصارعده فیضناک بر قناعت یرینه بعضاً
قائل ایزلر بر اقیار .
امتحان — ارباب خامه نکل قلمی ، اصحاب سیفک قلبی ، متفکرک
فکری ، اهل حقیقت ذکر ی بو کلمه مدیون
شکر اندر . چونکه قلم بو نکل یاننده یازمه من ، قلبی
بومدهش حضورده که من ، فکر بومسته زری اوکنده
شایریر ، دیل اینه مخوف براختلال دماغیله طوتولور
امتحان — مطیبه نعمت و درجه ، عناده نعمت و درکه در .
قلعه سلطانیه لی ابن الرحمنی

علی

سلطان الشرا جناب فضولی البغدادی قدس سره الهادینک منزل
مشهورینه شمی مرحومک نظیره سی اوزرینه انشاد ایدلشد .

نخمس

کورمدم اصلا مسرت ، نشوۀ دنیا نهدر ؟
اولدم بر لحظه مسعود ، ذوق مستثنا نهدر ؟

آغلامقله کچدی عمرم بونده کی معنا نهدر ؟
« بن بیلم نهم دنیا نهدر ، عقبا نهدر ؟ »
« سویله بن کیم سویله تن کیم ، عشق نهدر سودا نهدر ؟ »
شوق نهدر ، مطرب نهدر ، خواننده ازمانه در ؟
حسن نهدر ، خسران نهدر ، سرمست نهدر ، صهبا نهدر ؟
ورد نهدر ، شبنم نهدر ، بلبل نهدر ، شیدا نهدر ؟
« می نهدر ، ساقی نهدر ، مجنون نهدر ، لیلا نهدر ؟ »
« کیمسه ادراک ایزر بو عالم اشیا نهدر ؟ »

یوقدر عالمده سمادتیاب اولوب خندان اولان
اغلامقدر عادتک هر آن سنک ای عاشقان
کیمسه دن امید احسان بکلمه هیچ بر زمان
« کل درختنده قوری فریاد ایلله کام ایستیان »
« اولمدن دوستک یولنده طوندیک دعا نهدر »
برحلاوت بخش ایدر انسانه شوقک آتشی ،
بالعکس ندهیش ایدر هرقلی ذوقک آتشی ،
بوناری جامه در البت ایشته حقلک آتشی ،
« آراوب کز مکده در پروانه عشقک آتشی »
« دوسته جان و یرمک مرادی بیلم استغنا نهدر »
طوغدیم کوندنبری دائم رفیققدر کدر ،
حزن و غمله کچدی هر آن روز ولیم سرتسر ،
یوقدر عالمده سعادت ، نشوۀ دن اصلا اثر ،
« طاقینوب زنجیر عشقی دیوانه اولدکسه کر »
« خاقی تعجیز ایوب سندن سکا شکوا نهدر »
نور زهرا وجه حیدر جان فدا ازهارینه

مبتلایم بن رسولک زهره انوارینه
رقص ایدر شبان جنت حسن بر تو بارینه
« واقف اولدکسه اگر قالوبی اسرارینه »
« مقصدک آنجق رضادر جنت اعلا نهدر »
بخش ایدر انوار عرفان هرکسه کازار عشق ،
بیکنده بر ایلر تجلی عاشقه اسرار عشق ،
ذره نور محمددر دلمه نار عشق ،
« شمس کی اظهار اولور هرکیمده وار انوار عشق » ،
« آشکاره یاغلی عاشقاره اخفا نهدر »

بیلمیورسین عشقی ، سودایی ، غرامی کلدۀ باق
هیچ بر عاشق کورمه دمکه جکمسون اصلا مشاق
سینه « تاجیده » نقش اولمش خدایه اشتیاق
« عشق بازارینه و فضولی » کیمسه باصمه سون آفاق
« شمی » یاغق مطلبک اوددن سکا پروانه در ،

شیخ خیراه

نجم استقبال مطبعه سی

صاحب امتیاز
ومدیر مسئول حسن کاظم